

www.BibleForChildren.org

Mataio' 26



Izesu' nene
O'moso'mo
ise'ine izingumu'
gili mini noso' nite'
naa' holise' nene alosa
gamene sigisi (6)
ne'mine nene ha neivo
hilinguti' gohi do ote-dive
Lasalo' minida Betania numuno
ebe' nela nene vine' ve.



Ne'mini nizavo
Malia' nene
oko'nido' hilaa'
ani' uveli meni've
dize minine' uveli
nalida guvisedunu'
gehepeve lili' ani'
uveli nene botolo' naba
gidini ma do ogo Izesu'
gizenelo' leko holo-dosa godolo
zopovodunu' nene gilite-dine' ve.
Ne'mine neivo a'mine uveli'mi unuvo
lamine' nene numungu' bizo minine' ve.



Ne'mine ogavo Izesu' izipahala zuho tuvelu engikuti'
Kelioto numudoti' ve ma gulive Zuda' aza Izesu'ni
ngelebizekuvo dalizave lo eveneto'
medeli mini O'moso inite'
lehizi-daa' ave nabala vo
lo-ngimine'. Lo-ngemavo
mulu'ningu' lamine' gili
moni emelone lii li
huki-dikevo aza vo
Izesu'ni nene
ngelebizeli
akamu' vise'
ogo minine'.



Lo-ngemavo izipahala zuho
ingine lo-ngimidi' mine igi a' mine
noso' nite' di va'va' ani'. Noso'
nite' ninavo Izesu' aza beleti do
O'mosola opo'ni lo gito izipahala
zuho nongemo ti' lo line': Di
nalo. Mene neni' me'mele'ne ma
ne neive.




Ne'mine lavo di nikevo
vaini gomise do O'mosola opo'ni
lo nongemo ti' lo line': A'mingu'
nene O'moso'mo lo huko-lidine'
gamazi nene do ele'vole' iline'
vanise'ne mene evene' mukikumu'
lihimetine apase-lengedelove lo
lekeloni' mene neinako nemu'
a'minguti' lingine
mukito' nalo.




Ne'mine lo Izesu' ti' lo line': Agae Simonizo, gaza
gelezo. Noso' nite' losuvo ili mili ato' iga' nani'
ne'mino Satani ne'mo lengi' nene lengemengu' molo
do gizeka' o-lengedelesa lavo O'moso aza gele
imine'za gei' nenikumu' gele ele'vole' aine' nene
mudise hulamiline lo neni' nene geikumu' gelo
O'mosola lokuve.

Nemu' nene gaza
go hi tine' molo ogo
nenita gi'mizosa
geze zuho nene
hize ele'
o-ngedezo.



Ne'mine lo lo-emavo Petolo' aza ti' lo lo-imine':
Guvekasi ve, ne'mino nomive. Gaza nene galapuso
numungu' vilibe ido' gibilikevo helaa' akalokisi vilibe
ne'mine iline' nene nazasi maka' a'mingu' ha
volosusive. Ne'mine lavo Izesu' ti' lo lo-imine':
Petoloo, naza ti' lo nolo-gimuze. Gelezo. Idise
holuka' nene okoloho
nolo olihe molamivo
gaza nenikumu'
nene ma ningamu
ve ve lo ataize
nolanivo
gamene
sitohamo
oloseive.



Ne'mine ogavo Izesu' aza
izipahala zuhosi ebe' ma
gulive Gesemani neu'
vani'. Vo hetelo
izipahala zuho ti' lo
lo-ngimine': Naza holelo'
vo O'mosola nololongumu'
lingine melo' minilo.
Ahono me'neho make, oso'
amoso' initekisi ha ilinido' o
neine' nenako mulumo ekese'
naani' mene do olovo'
o-nedezo. Do olovo'
o-nedeline' za neni' lu'nelo'
amozo. Asi gei' lukalo' ozo.



Ne'mine o neine' nenako nemu' nene
Zuda' nene Loma veti ami linge ma do
ido' eveneliti lihime'ine apaselive li
O'moso guno gizi imaa' ave nabasi
Halisaio' vesi mini ngimiselani'
pilisi ve linge masi nene lovou'
initekisi ido' lamusi livikisi
davo ngele'mizo a'mine
za zuhouko nene ani' ve.



Ne'mine li nilavo hamoli'mo oteko eveneto' medelo
mino O'moso inite' lehize-daa' ive nabali'mi gelekele'
izipe ma belo gala zamela hasa' o
huline'. Ne'mine ine'za Izesu' aza
ti' lo line': Ne'mine monovo nene
modaze. Gohi amilo. Ne'mine
lo galalo' nene nodo gelo
gala nene do lamine' o-dine'.




Ne'mine lavo neloti' nene Izesu'ni analo' disa
eveneto' medelo mino O'moso inite' lehize-daa' ive
naba'mi numunguko ele'mizi vani'. Ele'mizi
nivavo Petolo' aza
e'mete-do hoto'ile ani'.



A'mine dizi minani' numuno nene vodo vodo ogo
minavo oluso' omo' naba minido' nene evene' ingine
igi olo' gizi lahizi nizavo Petolo' azasi nene ogo
vovo'ningu' mito'
maka' minani'.



Ne'mine lavo eveneto'
medeli mini O'moso
inite' lehizi-daa' aveliti
ve nabali'mi gelekele'
ve Petolo' gala huko
hulive'mi zuho minive
mali'mo nene ti' lo line' ve:
Gaza nene Oliva golo za
zuhou' Izesulesi nizavo
ninguve ma ne nane. Olo.
Ne'mine lavo Petolo' gohi
ataize line'. Lavo a'mido'
lite' lo okoloho nolo molani'
ve. heta lemo vo ive
nabalo' goloso ine' ve.




Neloti' nene ingine mukito' oti
ele'mizi Pilato' neida vani'.
Ne'mine likevo Pilato' aza ti' lo
longo' o-dine': Gaza nene Zuda
veti guve' inesi ve naba
nabe. Olo. Ne'mine lo
longo' o-davo Izesu'
aza ti' lo lo-imine': Mo
gasika nene nolaine' ve.



Ne'mino minivemu' nene ne'mine
likevo Pilato' nene Izesu'ni haza
hulo-dekuvo vilive lo gelo evene'
nene gohi gamazi lo-ngimine' za
evene' ingine gama gama
gizi ti' li lani': Lohoto'
zalo' belezo, belezo
lani' ve.




Ne'mine likevosa Pilato' aza Izesu'ni
lohoto' zalo' bililizave lo do ngimine'
ve. Ne'mine ogo do ngemavo di vani'
ve. Di vada nene Izesu' asi've ei'
lohoto' za've gehu numuno ebekuti'
leme heta ogo vo ebe' ma gulive
Godolo Amuzo Ebe' ado' Zuda veti
gamaziuti' nene Goligota ve laa' ado'
nene hetelavo . . .



... a'mida nene lohoto' zalo' bili di
otani' ve. Ido' Izesu' oluso' minavo
a'mida hela hela nene ve sitakisi
lohoto' zalo' ngibili di
oti-ngidani' ve.



Ido' mono' numuno nabau' O'moso'mi kekeize
numuno lulo ve li numuno lulo ma lavolavo naba'
nabadunu' izi huki O'moso'mo minaa' ingu' dizaa'
aka hizi tilikani' nene belo
ho' lo sita' ogo ngolo' line'
ve. Ne'mine ogavo Izesu'
nene asi naba lo ti' lo line':
Ahono, neni' vo'nehaza
nene gei' angau' nomuluve.
Ne'mine losa ahu' do
dizo nohulo hiline'.



Alimataia numudoti' ve Zosehe' aza
evenelite gilavo dizo minavo gili
imaa' ani' kanisole mino ido'
O'moso'mo eveneto'
gizebo iline' gamene
alingumukovo' nene
gizebo ogo minaa'
ive ne'mo aza
ehelele izine'

nene gele hulo
Pilatoda vo Izesu'
oko'no nene nemelive
lo longo' o-dine'.



Aza lavolavo mokono' lamine' ma
vo meni hizosa Izesu'ni nene
lohoto' zaloti' apaso do
lemo a'mine lavolavodunu'
asabu' ize-do gonoso
milaa'ani' ebe' lili'
igi gehengu'

golo'vaticangu' nene
do vo molo-do gonoso
galese velelo' nene
geheni naba ma do
velehe' molo do
tilekine'.



Ido' aize' holise' gamene ve li a'mine
gamenemu' nene noso' nite' di
va'va' iga' ani' gamene
vavo gamene malo'
eveneto' medeli
mini O'moso inite'
lehizi-daa' ave
nabasi ido' Halisaio'
mono' laa' avesi vi



Pilato'



... neidaa di gese' igi ti' li
lani': Guvekasi ve, velesi ha
mino a'mine O'moso'mo
evene' do ngu' izeline
lo nimiselelesa live
nouve lo gote iza
ive'mo helo gamene
sito hamo mino gohi
otelesuve line'



nene ha
gele none.



Ido' ne'mine lavo vi gonoso galese
velelo' hizi tilani' gehedo' nala' di
gili' li humo izi a'mido'
kekeize luhuvo bili
gi'mizi a'mido' gizebo
minilizave li ami pilisi
ve huli-ngidani' ve.





A'mine Zuda vete mine gelo minaa'
une' holisete Salele nene ogo
vavo Sadeu' go' lolosa neivo
Malia' Mangadala
numudati' nesi ido'
Malia' ma nesi
a'mine gonoso
galese nene vi
ningilisa vasine'.

Ido' nivasivo
a'mine gonoso
galesela
mimi' naba
goloso ine'.



Neivo Guvelesi ve'mi angelo' ma
lemo ogo a'mine gonoso galeselo'
geheni naba nene ehuso' ogo
do hulo a'mido' mito'
minine'. A'mine angelo'
ningadi'mo ami pilisi
ve ingine ngehelele
goloso izo luvoluvo
goloso izi

amuzo'ine gulu'
gelavo hilave
ne'mine igi
minani'.




Ne'mine ikevo angelo' aza vene' sita'
ti' lo lo-ngimine': Lengehelele
izamivo. Lingine nene Izesu'
lohoto' zalo' bili hilavemu'
vise' nasine' nene
gele nouvoni' za aza
nene meu' nomive.
Mili-dangu' me igi
ningilizo. Gomu'

lo-lingimine'
ma'mino aza
mo oto vave.



Lavo ngehelele izine' za ngolize goloso
izi a'midati' lite' mate' li Izesu'
izipahala zuho li-ngimilisa loti' izi
vasine'. Ido' Izesu' aza vene'
sita' nene akalo' nivasivo
votene' ogo ne nasihe lavo
ingine vene' sita' igi
oso'molo izi-di opo'ni
lasine'.





Alinge' nene izipahala zuho leveni (11) di gese' igi
noso' nite' ni nizavo engitasi soto' pize ngemo ti' lo
ngelemine': Hiluvonguti' nene mo ote nouvo ningave
nete a'minemu' li-lingimani' za lingine lutine hize
tilavo a'manapa igi engi' gamazi nene gili ele' vole'
amave. Guvetesi ve Izesu' aza ne'mine lo mo
lo-ngemavo O'moso'mo Okulumokuko ele'mizo do
dizavo O'mosoloti' lemo minidi'mo O'moso'mo ana
hulaa' ida mo'mosi'velo' mito' neive.



Ido' Izesu' ne'mine line'
nene nemu' line' ve: O'moso'mo
me misubou' ve lulo limine' nene
atoli'mine goloso ogosa lulo
limidi'mo ei' gipele nene mo
hamo' gehepeve
minine'za
ve . . .



... ma ingine eikumu' gili ele' vole'
ilizave nene vi tolovo ami minevo'
minevo' ngemeni dameni dalisave
losa a' mine gipele hamo' nene
lehize-lidine' ve.



Loma 3:23

A'mine aka nene ne'mino neive: O'moso'mo evene' lisihe' ve lo-ngedeline' nene ingine Izesu' Kilisito'nimu' gili ele'vole' i nizangumu' ve lo Izesu' Kilisito'nimu' gili ele'vole' ave mukikumu' nene loloseive. Ee, evene' muki' nene lihime daa' noune' nenako O'moso'mi emeni dameni lamine' goloso nene do ti' olonido' lisihe' amune. Nemu' nene O'moso'mo Zuda ve nene ve lisihe' ve lo-ngedeline' aka nene ato' ma neivo Zuda ve minamave nene ve lisihe' ve lo-ngedeline' aka nene ato' ma neivoba asi mo aka hamokovo' nene neive.

Loma 6:23

Ee, lihime monovoli'mo nene meni've meni hizaa' neine' nene mudise helaa' monovo ne neiha Guvetesi ve Izesu' Kilisitoda vo gi'mizekunivo O'moso'mo haza gidini lehize-ledaa' neine' inite' nene minevo' minevo' minaa' lemeni dameni ne neive.



Hebilaio' 9:27 Ido' O'moso'mo lido' ogo evene' laza gamene hamokovo' helosa O'moso'mo goni' o-ledelido' volosunako.

Eheso' 2:8,9 Ee, O'moso'mo do lu' izine' nene inite' mamukisi nomine' asi mo leli' do lamine' o-ledelove losa nasahili' o-ledavo Izesu'nimu' gele ele'vole' une' nemu' nene do lu' izine' ve. Laza leli' amuzoteloti' gono duningumu' do lu' izamive. Asi O'moso'mo haza gidini ne'mine o-lidine' ve. Ido' laza nene gono do minuningumu' do lu' izine' nomine' nenako nemu' nene leli' gono do minunidoti' ve lo okode do naba oga' nene ma nomive.

Loma 10:9,10 Ado' lingine vetinedunu' nene Izesu' aza Guvetesi ve naba ve li li soto' igi ido' lutingu' nene O'moso'mo hilinguti' do ote-dine' ve li gili ele'vole' ilizani' nene O'moso'mo do lungu' izeleseive.



Ee, lutedunu' a'mine gamazi gele ele'vole' oso' nene
O'moso'mo evene' lisihe' ve lo-ledelive. Ido' vetedunu'
a'minemu' lo soto soto' oso' nene O'moso'mo
do lu' izeleseive.

Zohane' 3:16,17

Ido' Izesu' ne'mine line' nene nemu' line' ve:
O'moso'mo me misubou' ve lulo limine' nene atoli'mine
goloso ogosa lulo limidi'mo ei' gipele nene mo hamo'
gehepeve minine'za ve ma ingine eikumu' gili ele'vole'
ilizave nene vi tolovo ami minevo' minevo' ngemeni
dameni dalisave losa a'mine gipele hamo' nene
lehize-lidine' ve. Ido' O'moso'mo a'mine gipele me
misubouko imiseline' nene me misubouko aleve leli'
nene goni' o-ledo lihime lemelve losa imiseline'
nevoba asi me misubou' aleve leli' nene do lu'
izelingumu' ve losa imiseline' ma neive.



1 Zohane' 5:11-13

Ido' gipele hize ele' o-do line' gamazi nene ti' lo neive:
O'moso'mo minevo' minevo' oga' lemeni dameni nene mo
leme neive. Ido' a'mine minevo' minevo' minaali'mi
meleho nene ei' gipele ne neive. Nemu' nene ingine
O'moso'mi gipele di gili' li nizani' nete nene minevo'
minevo' oga' ngemeni dameni nesi di nizave. Ido' ingine
O'moso'mi gipele di gili' li di minamave nete minevo'
minevo' oga' ngemeni dameni nesi mo damave.
O'moso'mi gipelemu' gili ele'vole' i nizave lingine
minevo' minevo' lengemeni dameni nene mo do none
li gili ele'vole' igi gililizave lo mene gamazi
nene nogize-lingimuve.



Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Dano Bible (aso) © 2013, Wycliffe Bible Translators,
Inc. All rights reserved.

<https://live.bible.is/bible/ASOTBL/MAT/1>

©2024 Bible for Children, Inc.

www.M1914.org

www.bibleforchildren.org

